



Ibidda Waraanaa fi Fitnaa Sheyxaanaa-kutaa-1

Description

Guyyaan lubbuun ilma namaa ibidda waraanaatin yommuu darbu, takkaa garmalee nama gaddisisa takkaa immoo akka abdii muratanii fi qalbiin gogdu nama taasisa. Dhalli namaa hanga jireenya tana keessa jiraatu waan badaa fi gaariin ni qorama. Rabbiin subhaanahu wa taaâ€TMalaalaa ni jedha:

كُلُّ نَفْسٍ ذَائِقَةُ الْمَوْتِ وَنَبْلُوكُمْ بِالشَّرِّ وَالْخَيْرِ فِتْنَةً وَإِلَيْنَا

٢٥ تُرْجَعُونَ

â€œLubbuun hundi duâ€TMa ni dhandhamti. Isin qormaatuu hamtuu fi gaariin isin mokkorra. Garuma Keenyatti deebifamtu.â€ Suuratu Al-Anbiyaa 21:35

Namni umriin isaa hanga fedhe haa dheeratu, haa duroomu haa hiyyoomu guyyaan tokko hadhaa duâ€TMaa ni dhandhama. Keeyata armaan olii keessatti Rabbiin subhaanahu wa taâ€TMalaalaa wanta badaa fi gaariin, wanta isaan jibbanii fi jaallataniin, hiyyummaa fi durummaan, waraanaa fi nageenyan, dhibee fi fayyaan akka ilmaan nama qoru ni beeksisa. Wanti keeyata tanaan xumure immoo â€œGaruma Keenyatti deebifamtu.â€ Kan jedhuuni. Kuni kan agarsiisu, ilmi namaa akkanumattii qoramee kan baduu osoo hin taâ€TMin firiin qormaata isaa Guyyaan Qiyaamaa ni mulâ€TMata.

Addunyaan tuni iddo qormaatati, Aakhiraan immoo iddo firii (buâ€TMaa) qormaataa itti arganidha. Kanaafu, dhalli namaa hanga jireenya tana keessa jiraatu, qormaata irraa bilisa kan taâ€TMuu miti. Karaa adda addaatin ni qorama. Qormaata kana keessaa â€œIbiddi waraanati fi fitnaan sheyxaanaâ€isaan gurguddoodha. Ibidda waraanaa yommuu jennu beekkamadha garuu fitnaa sheyxaanaa yommuu jennu maal jechuu keenyaa? **Fitnaa sheyxaanaa** yommuu jennu sheyxaanni karaa hin beeknen namatti dhufuun yaada bidaa namatti hasasun karaa haqaa irraa nama baasu ykn jallisudha. Ibiddi waraanaa qaama namaa kan miidhu fi ajjeesu yommuu taâ€TMuu fitnaan sheyxaanaa immoo qalbii namaa kan

miidhu fi ajjeesudha.

Akkuma qaamni duâ€™u qalbiinis ni duuti. Qalbiin duâ€™uu jechuun imaana irraa duwwaa (qullaa) taâ€™uudha. Jecha biraatin qalbiin dukkan kufrii fi baditti taruudha. San booda namtichi wanta isa fayyadu fi miidhu addaan hin baafatu. Qalbiin namtichaa yoo duute, bineensa caalaa miidhaa guddaa geessa. Namaaf rahmata gochuu fi mararfachuun isa bira hin jiru. Qalbiin yommuu duutu mitii namni boombi daâ€™immani fi namoota nagahaa irratti kan roobsu? Qalbiin yommuu duutu miidhaa fi cunqursaa raawwate kanaaf akka adabamu (azzabamu) isatti hin dhagahamu. Garuu fuggisoo kanaa namni qalbiin imaanaan guuttamte yoo ajjeefame, In sha Allah namoota milkaâ€™an irraa taâ€™a. Kanaafu, amma of haa gaafannu, zaalimaan qaamni namaa duâ€™uu wayya moo, sheyxananaan qalbiin namaa duâ€™uu wayyaa?

Akka ifa taâ€™uuf fakkeenyan haa ilaallu. Namoota kuma kudhan (10,000) iimaana (amantii dhugaa) kan qaban haa fudhannu. Namoota kanniin keessaa waraanni kaâ€™uun namoota 5000 fixe (ajjeese) haa jennu. Namoonni hafan bakka adda addaatti baqatan. Namoota baqatan kanniin keessaa gariin isaanii, â€œRabbiin akkamittiakkana hojjata?â€¢ jechuun yoo kafaran, fitnaa kamtu irra guddaadhaa? Namoonni ajjeefamuudha moo namoonni kafaruudhaa? Kanneen ajjeefaman imaana irratti yoo ajjeefaman, in sha Allah Jannata seenu. Warroonni kafaran immoo kufrii irratti yoo duâ€™an gahuumsi isaanii ibidda. Rabbiin kanarraa nu haa tiiksu. Kanaafu, ibidda waraanatu caalaa moo fitnaa sheyxanatu caala ree?

Rabbiin yommuuakkana jedhu dhuguma dubbate:

â€œ**Fitnaan ajjeechaa caalaa hamaa (badaa) dha.**â€¢ (Suuratu Al-Baqarah 2:191)

Hayyooni Qurâ€™aana ibsan akka jedhanittii, aayaa tana keessatti fitnaa jechuun kufrii fi shirkiidha. Kanaafu, kufrii fi shirkii ajjeechaa caalaa jechuudha. Dhumti nama kafaree fi shirkii hojjatee ibidda waan taâ€™eeef.

Gara waraanaa fi fitnaa yeroo ammaatti yommuu deebinu, lamaan isaanitu bakka lamatti quodudandeenyaa. (1) Waraana meeshaati fi waraanaa sammuu, (2) fitnaa keessaati fi fitnaa alaa. **Waraanaa meeshaa** yommuu jennu meeshaa waraanaa kanneen akka taanki, boombii, qawwee fi kkf nin walitti duuludha. **Waraanaa sammuu** yommuu jennu immoo sammuu laamshessuu fi daandii haqaa irraa jallisufodeefanoo sobaa fi yaada jallataa tamsasu ykn raabsudha. Fakkeenyaf, â€œQullaa deemun qaroominna, amanti hordofuun duubatti haftummaadhaâ€¢ jechuun yaada fokkuu tamsasu. Filmii badaa sammuu laamshessu hojjachuu (fkn, pornografi), yaadotaa fi gochoota fokkuu biroo babalâ€™isu. Kan jalqaba qaama yommuu ajjeesu, kan lamataa immoo sammuu ajjeesa. Sammuun sirnaan akka hin yaanne hojiin ala taasisa.

Fitnaa keessaati fi alaa yommuu jennu immoo qormaata qalbii nama hurgufaniidha. **Fitnaan keessaat** sheyxanni waan badaa namatti hasaasun daandii sirrii irraa jallachuu ykn asi fi achi reeqqisudha. Fakkeenyaf, kufrii, nifaaqa fi kkf. **Fitnaa alaa** yommuu jennu immoo badii guyyaa guyyaan bakka adda addaatti arginuudha. Fakkeenyaf, zinaan (sagaagalummaan) baayâ€™achu, alkooli, dubartiin qullaa yaaâ€™u fi kkf.

Kanaafu, dhalli namaa kanniin hunda akkamitti tooâ€™achu dandaâ€™aa? Furmaanni kanniin hundaa gara Rabbii deebiâ€™uun Isa qofa gabbaruudha. Wanta Rabbiin itti ajaje hojjachuu fi wanta Inni irraa

dhoowwe dhiisun malee wanti addunyaana tana fooyyeessu tokkollee hin jiru. Fasaanni (wanti badaan) hundii dachii kana irratti kan uumamu sababa namoonni ajaja Rabbii fi Ergamtoota Isaa faallessuu wanta badaa hojjataniifi. Rabbiin (subhaanahu wa taâ€TMaalaa) ni jedha:

وَكَائِنٌ مِّنْ قَرِيْةٍ عَنْ أَمْرِ رَبِّهَا وَرُسُلِهِ، فَحَاسِبْنَهَا حِسَابًا شَدِيدًا
وَعَذَّبْنَهَا عَذَابًا شَدِيدًا

â€œMagaalota irraa hedduu ajaja Rabbii ishii fi Ergamtoota Isaa faallessitee qormaata cimaa ishii qormaanne, adabbi fokkataas ishii adabne.â€ Suuratu Ax-Xalaaq 65:8

Magaalota yommuu jennuu namoota achi keessa jiraataniidha. Namoonni yommuu ajaja Rabbii faallessan, qormaata cimaa fi adabbi fokkataan Rabbiin isaan qaba. Fakkeenyaf, hoonge, jireenyi itti dhiphachuu, beela, dachiin sochoâ€TMu, lolaan magaalatti balleessu, waraanaa fi kkf.

Namni tokko â€œkaafironni kunoo badii fi wanta fokkuu ni hojjatu, maaliif hin adabamne?â€ jechuun gaafachu dandaâ€TMa. Yoo gara Rabbi deebiâ€TManii of hin foyyeessin ni adabamu, hin muddamin. Rabbiin ni jedha:

وَكَائِنٌ مِّنْ قَرِيْةٍ أَمْلَيْتُ لَهَا وَهِيَ ظَالِمَةٌ ثُمَّ أَخْذَتُهَا وَإِلَيَّ
الْمَصِيرُ

â€œMagaalota meeqa osoo ishiin miidhaa raawwattu Ani yeroo kenneef, ergasii adabbiin ishii qabe. Deebiin (gahuumsi) garuma Kiyya.â€ Suuratu Al-Hajj 22:48

Namoonni yommuu badii fi miidhaa adda addaa raawwatan, akka gara Isaa deebiâ€TManif Rabbiin yeroo ni kennaaf. Gara Isaa deebiâ€TMuu baatanii badii isaanii yoo itti fufan tasa adabbi cimaan isan qaba. Kuni sunnaa (karaa) Rabbiiti. Kanaafu, kaafirota badii hojjataniin gowwoomu hin qabnu.

Waraanni hundi fitnaadha (qormaata). Garuu fitnaan hundi waraanaa miti. Akkuma duratti jenne fitnaan guddaan fitnaa kufrii fi shirkii. Wanti mata duree kana akka barreessu na kakaase keessaa tokko akkuma fitnaan (qormaanni) baayâ€TMatuun namoonni amanti irraa fagaacha ykn gadi dhiisaa jiru. Waraana bakka adda addaatti baayâ€TMatu yommuu ilaalan, â€œRabbit maaliif kana addunyaana irratti hayyama?â€ jechuun Isatti kafaru. Islaama gadi dhiisu ykn ni shakku. Yoo kafaran, sila Rabbit waan miidhan isaanitti fakkaataa? Kafaruu fi amanti keessaa bahuun deebii ni argatuu? Rabbit ni jedha:

وَمَن يَرْتَدِدْ مِنْكُمْ عَنْ دِينِهِ فَإِنَّهُ وَهُوَ كَافِرٌ ذَلِكَ حَبْطَتْ أَعْمَالُهُمْ فِي الدُّنْيَا وَالآخِرَةِ وَأُولَئِكَ أَصْحَابُ النَّارِ هُمْ لِيَهَا خَاذِلُونَ

â€œNamni isin keessaa amantii isaa (Islaama) irraa garagalee fi kaafira taâ€™ee duaâ€™e, warri suni addunyaa fi Aakhiratti dalagaaleen isaanii baddee jirti. Warri sun warra ibiddaati; isaan achi keessatti hafoodha.â€ Suuratu Al-Baqara 2:217


Dhugumatti Islaama irraa garagaluu fi kafaruun fitnaa akkam badaa taâ€™eedhaa! Hojiin gaariin hojjatan hundi addunyaa fi aakhiratti ni baddi. Ergasii gara ibidda cimaatti seenu. Kanaafu, namni yoo kafare mataa ofii malee eenyun miidha ree? Namoonni kan kafaran waraana qofa ilaalanii osoo hin taâ€™in namoota naannoo fi badii hojjataniinis amanti gadi furu. Isaan keessaa hiriyyaa badaa, miidiyaa, ergamtoota qarshiin nama jallisan (missionaries)fi kkf. Namoota meeqatu sababa peenxetiini Islaama gadi furu. Islaamni ifa taâ€™ee fi peenxeen baaxila taâ€™ee osoo jiru. Ammas aaya biraa isiniif haa dabaluu.

إِن تَكُفُرُوا فَإِنَّ اللَّهَ عَنِّي عَنْكُمْ وَلَا يَرْضَى لِعِبَادِهِ الْكُفَّرُ وَإِنْ شَكُرُوا إِنْ رَضَاهُ لَكُمْ وَلَا تَزِرُوا زَرَةً وَزِرَّ أُخْرَى شَمَّ إِلَى رَبِّكُمْ مَرْجِعُكُمْ فَيُنَيِّثُكُمْ بِمَا كُنْتُمْ تَعْمَلُونَ إِنَّهُ عَلِيمٌ بِذَاتِ
٧
الصدور

â€œYoo kafartan dhugumatti Rabbiin isin irraa Dureessa. Garuu gabroota Isaatiif kufrii hin jaallatu. Yoo galateefattan, san isiniif jaallata. [Lubbuun] dillii (cubbuu) hojjattu tokko dillii nama biraan hin baadhattu. Ergasii deebiin keessan gara Gooftaa keessaniiti. Innis waan isin dalagaa turtan isinitti hima. Dhugumatti, Inni Beekaa waan qoma keessaati.â€ Suuratu Az-Zumar 39:7

Namni yoo Rabbitti kafare, gonkumaa Rabbiin miidhu hin dandaâ€™u. Rabbiin dureessa fi of gahaa waan taâ€™eeef. Garuu gabrootaf kufrii hin jaallatu, kufriin ibiddatti waan nama geessuf. Kana irra, akka Isa galateefatan ni jaallata, Isa galateefachuun Jannatatti waan nama geessuf. Namni wanta zaalimman (cunqursitoonni fi miidhaa raawwattoonni) hojjatan ilaalun yoo kafare ykn cubbuu hojjate, badii kufrii ykn cubbuu isaa eenyullee irraa hin baadhatu; isumatu baadhata. Ergasii ilmi namaa hundi gara Rabbii deebiâ€™uun wanta hojjataa ture hundi isatti himama. Rabbiin wanta hundaa ni beeka waan taâ€™eeef. Inuma wanta qoma (laphee) keessatti dhoksan hunda ni beeka. Laphee fi qaamolee namaa hunda kan uume Isa taâ€™ee osoo jiruu, iccitii namni qalbii keessatti dhokse akkamitti hin beekne ree? Namni kufrii, shakkii, yaada badaa fi yaada gaarii adda addaa qalbii keessatti yoo dhokse, Rabbiin kana hundaa

ni beeka. Rabbiin ni jedha:



â€œ[Rabbiin] wantoota samii fi dachii keessa jiran hunda ni beeka. Akkasumas, waan isin dhoksitanii fi waan isin ifa baastan ni beeka. Rabbiin waan qoma keessaa Beekaadha.â€ (suuratu at-Taghaabun 64:4)

Kanaafu, wanta yaannu fi hojjannu of eeggachu barbaachisa.

Guduunfaa

- âœ• Addunyaan tuni iddo qormaatati. Aakhiraan immoo iddo firii (buâ€™aa) itti arganiidha.
- âœ• Qormaata jechuun wanta jibbaniin qoramu qofa osoo hin taâ€™in wanta gaariniis qoramuun ni jira. Inuma wanta badaan qoramu irra wanta gaariin qoramutu ulfaatadha. Namoota meeqatu yommuu hiyyooman Rabbiif galata galchu. Garuu yommuu durooman Rabbitti kafaranii daangaa Isaa darbuu. Rabbiin nu haa tiiksu
- âœ• Badiin waraanaan dhufu baayâ€™ee guddaadha. Garuu fitnaan (qormaanni) sheyxanaan dhufu badii waraanaa caala.
- âœ• Fitnaan sheyxanaan namoota kafarsiisun ibiddatti isaan geessudha. Badiin waraanaa immoo dhiiga namaa dhangalaasu fi qeâ€™ee irraa ariâ€™uudha.
- âœ• Namni yoo kafaree dhumti isaa ibidda. Fuggisoo kanaa, namni imaana qabuu waraanaa irratti obsuun yoo duâ€™e, in sha Allah manni isaa Jannata taâ€™a.
- âœ• Namni tokko qananii kaafirota fi daraara Muslimoota ilaalun yoo kafare, mataa ofii malee eenyullee hin miidhu.

Fitnaa kana akkamitti akka jala darban In sha Allah ni ilaalla.

Date Created

March 24, 2018

Author

admin